



KOMUNIKADO DI PRENSA
Willemstad, 25 di yùni 2021

TARIFA PA GASOLIN, DIESEL I LPG TA BAHÁ, AWA TA SUBI, ELEKTRISIDAT PRAKTIKAMENTE MESKOS

WILLEMSTAD – Entrante djamars 29 di yùni 2021 e tarifa regulá di gasolin, diesel i LPG (gas pa kushiná) lo baha na Kòrsou. E tarifa di awa lo subi entrante djaweps 1 di yùli 2021 i e tarifa di elektrisidat ta keda, ku un oumentu leve, kasi meskos. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Káلكulo tarifa produktonan kombustibel

E káلكulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa yùli 2021, en prinsipio ta basá riba e reserva di kombustibel disponibel pa final di mei 2021. Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

Den liña di e desaroyo internashonal tin un subida den preisnan di kompra pa Mogas 95 i Gasoil LSD. Sin embargo tin un bahada den tarifa usuario final debí na un bahada den e komponente ‘Garantia di suministro di kombustibel 1b’. E komponente ta intenshoná pa for di e final di e eksplotashon di refineria dor di PDVSA pa por kontinuá ku suministro di kombustibel na Kòrsou i kubri e gastunan pa e infrastruktura ku ta nesesario i e fasilidatnan korespondiente riba refineria (e.o. depòsito di tanki, pipanan, pòmpan, sentral di BOO i e organisashon rekerí). E bahada di e komponente akí ta basá riba hasi uso di un alternativa i un solushon ménos kostoso pa e distribushon di LPG denter di e término previsibel i tambe kalkulashon di un Sùrplùs tentativo.

Alabes e tarifanan di LPG (gas pa kushiná) komo nesesidat básiko elementario lo wòrdu fihá na un nivel rebahá.

Káلكulo tarifa awa i koriente

E káلكulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel. E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aquallectra mes. Tambe e klousula di kombustibel pa awa ta konsistí



di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di yüli 2021. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di mei 2021.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depreiashon, etc.

E oumento leve di tarifanan di elektrisidat ta resultado di e preisnan di kombustibel abou pa e produkshon di elektrisidat i un faktor di korekshon haltu ofer di luna di mei 2021. E oumento di e tarifanan di awa ta resultado di e preisnan haltu pa produkshon di awa komo resultado di e produkshon-miksto i un faktor di korekshon pronustiká ofer di mei 2021.

Aprobashon i fihamentu

BT&P ta asesora Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilé e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

[FIN DI KOMUNIKADO DI PRENSA]

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.